

医学六要



嘔吐有聲曰嘔無聲曰吐有聲無物爲乾嘔

有寒有火有食積有痰飲有氣鬱有胃虛有虫積有酒毒

寒吐脉沉緊四肢逆冷或兼腹痛而吐者屬寒卒然而起或過食生冷或悞服寒藥所致宜溫中理胃生薑理中湯主之或以二陳加炮薑肉桂白豆蔻草果砂仁

寒吐喜熱畏冷四肢淒清或先覺噯酸脉弱小而滑因胃傷寒飲食或汗下過多胃中虛



寧夏中醫藥大學圖書館藏

冷所致當以剛劑溫之二陳加丁香十粒或
理中湯加枳實或丁香吳茱萸湯不應附子
理中湯或治中湯并須冷服蓋冷遇冷則和
入庶不吐出曾有寒吐用四逆理中附子到
口卽吐後去乾薑枳參附加丁木煎成加沉
香立止蓋虛寒痰氣凝結丁附既溫佐以沉
木香則通乾薑白朮則泥耳

火吐脉弦數或洪滑口乾面赤喜冷惡熱煩躁
引飲而吐者屬火宜瀉降火二陳薑汁炒



黃連、竹青、徐徐服，或加枇杷葉，不應入蘆根汁服。

食積、右關脉弦滑而疾，症兼噎酸飽悶而吐，作屬食積，雖吐猶當以鹽湯探吐之，吐淨後用二陳、倍半夏，加山楂、枳朴、生薑，服溫氣散，食滯加香附、沉香、木香。

痰飲、脉滑或沉伏，或弦實，雖吐口不渴，屬痰宜導痰湯加薑汁、竹瀝。

氣鬱、婦女多鬱，或食際着惱鬱而不運，濁氣上

攻作嘔宜舒鬱二陳加芎枳香附脉沉結者
四磨飲妙

胃虛脉細弱或虛大倦于言動日久不食而吐
者屬胃虛宜六君子湯加薑汁

久病或服攻伐藥吐涎不止脉大無力屬脾
虛不能攝涎而涎泛上六君子加薑桂涼服
睡覺卽止

蟲積脉乍大乍小時常嘔清水胃口時痛時止
得食則愈饑則甚者屬虫積面上必有白



點或吐出虫二陳湯加苦練根史君子煎服
或用黑錫灰檳榔末等分米飲調下
嘔而流涎脉平即非火與痰是虫積也雄禁
水蒂炒各五分酒下吐之胃弱不能當二藥
者烏梅丸佳

酒毒脉弦細而滑或浮洪而數症見面赤口乾
頭痛惡心懊懣煩躁嘔吐不寧者酒毒也宜
涼以折之宜二陳加薑汁炒黃連梔子蘇葉
葛根煎成熟服殊効或沖和湯半夏茯苓湯

理中湯俱加乾葛七分煎服佳

痰火平常嘔吐胃中有熱膈上有痰者多一陳

加薑製黃連薑炒梔子乃必用之藥挾虛者

加人參白朮久病必是胃虛宜調中氣或少

佐砂仁藿香

肝火脉弦急出寸口嘔吐酸水或綠水屬肝火

逆上抑青丸主之或以二陳湯吳茱萸炒黃

連柴胡妙

吐食而脉弦者由肝勝于脾脾必虛宜治風

胃金花丸青鎮丸主之

惡心吐清水有熱有痰有虛皆用生薑隨症佐
使方書曰半夏橘皮生薑止嘔之聖藥也

乾嘔亦分寒熱金匱方乾嘔噦若手足厥者陳
橘皮湯主之

卒乾嘔不息取蔗汁溫服半升日三或入生薑
汁搗葛根絞汁亦可

痰飲爲患嘔吐眩運上下腰脊與腿遊走牽引
作痛或發寒熱或過用生冷油膩悒鬱所致宜



轉用黎蘆末、或鹽湯、瓜蒂散吐之、須審虛實、乃可以二陳、丁香、烏梅、生薑汁、加減、

痰熱惡心、嘔吐氣盛者、導痰湯、加宿砂、薑汁炒、

黃連、竹茹、

凡嘔吐家、切不可下、逆之故也、仲景曰、嘔家雖有陽明症、不可下、下之爲逆、陽明症者、謂痞滿燥實堅也、○嘔家思水、當少與之、

食積暴起、與寒氣相假、吐且痛、宜化積丸、

嘔吐諸藥不効、再以鷺羽探之、吐出積痰爲愈、

嘔家諸藥不効日久胃虛不納穀用長流水和
伏龍肝澄清炒陳米煮湯飲一二盃以安胃氣
殊効以六君子加薑汁服

食挾肝氣結滯嘔吐酸水不止用大半夏加白
豆蔻煎服良

漏氣身背熱肘背牽痛其氣不續膈間脹悶食
入卽先吐嘔而後下名曰漏氣此因上焦傷
閉其腠理經氣失道邪氣內着麥冬湯主之
金匱方云嘔家本不渴渴者爲欲解所以不渴

者心下有支飲也、小半夏湯主之、用半夏一斤、生薑半斤、恐太多、只半夏五錢、薑半之足矣、錫魯曾見吐過傷津液而渴者、惟人參湯妙、不可悞以渴爲火也、服小半夏不愈、加橘茯苓、名曰夏湯、

大半夏湯 治諸嘔要藥隨病因加減

半夏

陳皮

赤茯苓

各二錢五分

生薑

一錢五分

水煎服

嘔吐諸藥不効、當借鎮墜之藥、以墜其逆氣、宜



薑蘇湯下靈砂丹百粒俟藥得止却以養正丹
半硫丸導之嘔吐津液既去其口必渴不可因
渴而遽以爲熱

若陰虛邪氣逆上窒塞嘔噦不足之病此地道
不通也當用潤劑生地當歸桃仁紅花之類和
血涼血潤燥兼用甘草以補其氣微加大黃芒
硝以通其閉若大便利邪氣去則氣逆嘔噦自
止胃中虛熱穀氣久虛發而嘔噦但得五穀
之陰以和之則嘔噦自止



走嘔下焦實熱大小便不通氣逆不續嘔逆不
禁名曰走嘔人參湯主之

金匱方云食已卽吐大黃甘草湯又治吐水夫
旣曰嘔家不可下復用此何也曰欲吐者其症
在上因而越之可也而逆之使下則必抑塞憤
亂而益甚故禁之若旣吐矣吐而不已有升無
降則當逆而折之引令下行無速于大黃也故
不禁卽避其銳擊其情之義

丹溪曰嘔家忌服瓜萸杏仁桃仁蘿蔔子山梔



蘇十一切有泪之藥皆犯胃作吐丸藥中帶香
藥行散不效

戴元禮曰嘔家不內藥必有蛔在膈間聞藥則
動動則藥出于止嘔藥內加川椒十粒即定蓋
蛔見椒頭伏也余常先飲椒湯一二口良

久病胃虛加砂仁炮薑于六君子湯中必冰冷
服即內經從治之法若調寒熱之逆則熱藥冷
服下噎之後冷體既消熱性隨發由是病氣隨
愈嘔煩皆除情且不違而致大益

宣明方、戴人治大小腸結滯不通、上作嘔吐不止、用三乙承氣湯徐徐細啜、固是處權一法、然所因與所稟不同、須斟酌之、倘不中病、反增其嘔矣、或下部用法導引其燥屎為良、

芩連二陳湯 治胃火嘔吐 原方加芩連薑

汁炒各一錢伍分

加味理中湯 治胃虛受寒嘔吐不止、

人參 白朮 乾薑 炮各一錢 甘草 炙五分

丁香 生薑 十片



水煎涼服

加味二陳湯

治停痰氣結而嘔原方加砂

丁香生薑亦取其辛能散結也

藿香安胃湯

治嘔吐不止

藿香葉

半夏

橘紅

厚朴

蒼朮

薑五片棗一枚煎服

濟生竹茹湯

治熱嘔或因飲酒過度而嘔

葛根

半夏

湯泡七次

甘草

炙一兩

每服肆錢水一盞竹茹一塊薑五片煎服



北京中醫藥大學圖書館藏

小柴胡加竹茹 治發熱而嘔原方加橘紅竹

茹薑七片

丁香吳茱萸湯

治嘔吐噦胃寒所致

吳茱萸

草豆蔻

人參

蒼朮

黃芩

各一錢

升麻

七分

當歸

半錢

柴胡

半夏

茯苓

乾薑

丁香

甘草

各五分

右煎服半兩去渣食前熱服忌冷物

金花丸

治吐食而脉弦者由肝勝于脾而吐

